

us esset, aut alia aucupanda commoditas. Baculo deinde applica Instrumentum, Regulamq; A E. volve perpendiculariter, ita ut Dioptram G sursum volvas ad E & perpendiculum cum circulo minuto ei appendas. Vnde quam rectissimè disponere poteris Instrumentum. Visus tunc sit per Dioptram H. & Dioptram A ad locum illum, in quem derivare cupis fontem. Reperiens igitur, visum tuum superiorem esse loco illo, facilè judicabis, fontem illuc derivari posse: at si visus eo loco sit inferior, colligere tibi licet, fontem illuc deduci haud posse: scatebra siquidem altior sit oportet illo loco, in quem debet deduci.

CAPUT XXIX.

De Instrumenti usu, ad explorandum, utrum fons ex scatebrâ suâ deduci possit in castellum vel oppidum vicinum, quando ambo hæc nequeant videri.

AD isthoc explorandum sic operare: Dispone Instrumentum ad scatebram a. juxta doctrinam capituli præcedentis: tunc visus sit per Dioptram A F. in metam vel collem aliquem: ad locum quâdoquidem quæsitum visus penetrare nequit. Hanc metam, notatam litterâ c. nota diligenter. Assumpto deinde Instrumento cum Baculo montem vel collem conscende, unde metam c. & locum, in quem fontem derivare cupis, probè videre possis: & dispone Instrumentum perpendiculariter, ut antea quoque dispositum fuit, & collima in metam c. superabisque Dioptrâ & collimatione tuâ hanc metam: mons siquidem altior est. Tunc igitur volve Regulam A F. deorsum, tantisper, dum metam c. secundum directum videas. Inde semicirculo & Regulâ A E. immotis manentibus, Instrumentum cum Baculo dirigè versus castellum e. in Figura notatum: ita tamen ut Regula A E. perpendiculariter erecta stet:

G 3